

中國方志叢書·華北地方·第二五九號

據

清 · 周銘旂等纂修
清 · 光緒十年刊本

影印

陝西 省

乾州志稿

(一)

成文出版社有限公司印行

楊敘

不佞黽瓦以崇禎辛未之歲來守奉天時甘泉烽火未息弓矢在腰軸轡在道文獻之事未及也再越癸酉賴督撫諸上臺策力羣舉三秦底定乃取舊志閱之已漫滅不可讀嗟呼寇之亂起於民囂民囂起於食荒而俗薄政虐而教衰是書也風俗所形力役所出田賦所徵政教得失所繫其關大矣乾雖秦一隅地然譬諸人身肢節之疼痛則全體之血氣應之故夫觀往可以察來飭今可以善後修於未然而可免其旣著柰何聽其梨銷棗蠹乎余重有憂焉爰於簿書之暇補其已剝增其未備付之梓而爲之敘敘曰夫志也者山川之表識人物之譜牒土田之禹貢郡邑之春秋也然題之志者何也曰誠志之也何以志之也觀感而起各喻所懷來而生於其心發於其事攷於其故

傳於其後使人有所鑒焉是以志之也余數驅馬梁山之下唐帝衣冠在焉而過者乃仰弔亶父之車轍馬跡於若滅若沒間此其故何也至僞周武氏者重城雕石寂無聲靈而父老嘖嘖稱吾乾有寶女雙烈今其祠與渾公鄰余歲時俎豆又常想見渾公掘隧拔矢與賊泚血戰時及趙簡公率人奴家客乘城拒守抑何凜然猶生氣哉然則聖狂異路貞淫異性忠邪異道讀是書者其必有以志之矣夫恥衰而好盛恥貧而好富恥有不肖名而好爲賢士大夫名卿循吏此固人情哉要以不觸則不發不激則不揚今戶口版圖職官選舉其籍具在觀其興廢之緣察其登耗之數別其賢愚之等不有嘻而嘆憤而懷者乎吾有以知其志矣惟是殿元實守此方而怯而無文拙而無術僅能奉法守職而無當於循良卓異之政以仰答明天子之休命

諸大人之驅使披陳往牒實愧且勵則亦空有其志而已是所
爲志之也歟謹敘

明崇禎癸酉知州楊殿元撰



乾州志稿敘

乾州志不知所昉今傳者爲拜君斯呼朗志成於雍正乙巳百六十年所矣中復迭經兵燹文獻銷沈曠焉弗舉誰之責歟癸未春銘旌代匱是邦吏例以志進字漫漶不可卒讀且攷据未詳諸多舛錯輒思網羅散失改弦而更張之繼念是舉也訂墜攷遺似因實創畏難遂止是年冬郡大夫士介廣文王君遜亭以編輯之役請方病未能也慙惓再三意良摯爰屬諸君分任採訪事遜亭故婣雅端慤督同校勘迺取前編而討論之參以諸家傳記暨鄉先輩遺聞簿書雜遝中篝燈繼晷甲乙丹黃五閱月裒然成編稟之 上台允付剞劂維時瓜代將及不日治裝行諸君請名是志並所以爲志者爲之敘竊惟拜君志固無敘弁其首者乃明楊君殿元敘拜仍之楊君志久不傳仍其敘

將母仍其志耶蓋嘗論之志以沿革爲第一義好時最先置胡不書西漢改池陽東都初尙名好時奚爲者晉以來英流接踵最著者周處戰齊萬年死奈何遺之唐高重捷之忠不在陽惠元下何有傳有不傳循良惟薛珏一人宋張綸杜衍外亦不少槩見人物則陳虞裔南皮抗節彼時距明之季世不百年顧未之深攷此其大者不著後之人何賴焉楊君敘嘗言之志也者使民有所鑒而志之也往者逆氛不靖守陴登城效趙簡公率家奴拒守故事下至村氓野豎執殳前驅方之六陌戰場捐軀全節何以加茲而凜凜如生得之閨闈房帷中尤指不勝屈殆聞竇雙烈之遺風而興起者乎由是觀之有是志而民將自爲志之烏可以不志烏可以不併志之者而爲之志此志之所由編也雖然銘旌濫竽經年不能希蹤前哲良用慙然是書之成

徒以孤陋不文窮搜行篋苦少藏書遺老流傳又難盡據爲典
要將愈於前志幾何哉幸而草創初就猶及從諸君子後得觀
厥成他日或議而更之抑正其訛謬補其罅漏如今之於昔焉
將勞勞者爲不虛旣脫稿卽以稿名之潤色之功當有起而任
之者至體例攸關不憚與拜志異其載各條小引及凡例中茲
不贅

光緒十年甲申端陽前一日鄜州直隸州知州權州事卽墨周
銘旂敘於乾陽官廨

乾州志稿敘

周禮小史掌邦國之志秦改邦國爲郡縣於是志郡縣將以攷疆域之廣狹溯人物之盛衰稽戶口之增減著風氣之厚薄以及時地之變遷習俗之沿革皆於是乎載遙遙千百載中徵文攷典述事紀言俾往者得以有所傳來者得以有所鑒志之爲用顧不重哉乾州當秦隴之衝夙稱名郡其志足多者也舊有拜君斯呼朗志成於雍正乙巳迄今百六十年矣掌摩日久字跡漫漶前事未詳核後事待補綴光緒癸未周君懋臣權是州集廣文王遜亭及州紳諸大夫士賡之蒐羅補葺日夜不憚勞越甲申夏五甫脫稿而余受周君代周君告余曰是役也某雖總其成實諸君子分其任簿書雜還之餘勞勞數月草創脩成今又解組行矣吾子再加參訂付剞劂焉可余取而讀之體例

盡善條目井然圖星野晷度則開方之經緯瞭如指掌也圖州屬疆界則幅員之廣袤宛在目前也列職官選舉則人材之出處鍾毓之靈秀開卷如接流風也列土田賦役則生養之蕃庶風俗之敦樸按籍如聽歌謠也至於祠祀有志則馨香之薦禱有所依據焉學校有志則師長之教育得攷淵源焉藝文有志則經史之精華賴以長存焉古蹟有志則時地之移易有所攷證焉若夫表官吏之循良揚士女之節義更令人於千載下思其政撫其事慨然想見其人懿夫誠一時之盛舉一邦之鉅典也余不敏謹當曹守蕭規焉敢妄贊一詞惟督其急付手民壽諸梨棗以卒其事周君去後閱數月而告成焉蓋嘗論之作者無繼雖金石亦就消磨矣倡者無和則孤籟莫叶宮商矣今觀乾州志得周君繼之踵舊而增新得諸君子和之一舉而功倍

詳攷據訂訛謬羅散佚補缺漏斟酌損益較前志美備過焉在
周君留心文獻嘉惠此邦之心固誠且篤在諸君子好義急公
相與有成亦允堪嘉尙已抑余更有望焉楊君殿元敘之言曰
志也者使民有所鑒而志之也是編之成郡中士民將由是而
觀感焉以復昔日漢唐之盛是則守土者之所默禱也夫起徒
備一時披覽以新其耳目云爾哉茲因諸君索余一言弁首爰
走筆以誌其槩云

光緒十年甲申仲秋月穀旦知州事浙西德清徐敦瀚敘於乾
陽官廨之退思齋

乾州志稿纂修職名

編輯

記名錄用鄜州直隸州知州調署乾州直隸州知州 周銘旂

校定

乾

州

學

正

王時敏

參訂

候

選

知

縣

舉

人

王萬魁

候

選

訓

導

歲

貢

生

史慎修

選

用

知

縣

優

貢

生

王夢棠

採訪

候

選

巡

檢

生

員

劉文選

分

發

四

川

巡

檢

吳錫福

生	增	廩	廩	廩	廩	廩	廩	廩	廩	歲
	廣	膳	膳	膳	膳	膳	膳	膳	膳	貢
員	生	生	生	生	生	生	生	生	生	生
王鳴珂	梁峻	吳鏐	郭縉	馬範洛	韓宗智	宋葆鋒	吳繼泰	范青黎	王訓	張熾昌

生

員

呂天乙

生

員

丁 瑗

生

員

閻飛鶚

生

員

黎 獻

生

員

魏樹勛

生

員

吳步雲

生

員

田 蕙

生

員

趙連城

校正

候

選

訓

導

歲

貢

生

王中一

侯

選

州

同

附

貢

生

上官昉

廩

膳

生

王炳蔚

內閣中書拔貢生吳塏

繪圖

監

生

殷啟庚

僉

生

蒲城

曹震鐸

乾州志稿纂修職名終